

道門科範大全集卷之二十四

廣成先生杜光庭剛定

文昌注祿拜章道場儀

散壇行道

法事陞壇如式

都講舉各禮師存念如法

高功宣衛靈呪

五星列照 煥明五方 水星却災 木德致昌

英威消禍 太白辟兵 鎮星四據 家國利亨

名列玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁和與道合真

鳴法鼓二十四通

高功發爐

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓開啓玄壇土地方域神真臣

今設醮陞壇行道謹奏為入意其諸忱悃已

錄告聞願得

太上十方至真道炁靈寶瑞光下降流入臣

等身中令臣所啓之誠速達徑御

太上無極大道

三清上聖

昊天玉皇上帝 御前

請稱法位

具位臣某與合壇官眾等謹同誠上啓

太上虛無自然元始天尊九次啓九天上帝三

十六天天帝三十二天天帝諸天上帝紫微

太微垣帝座星君五帝三元上具三十六部

等經玄中大法師十一大曜星君北斗南辰

星君二十八宿星君東壁文章星君七星賢

良真君十二官神真君文昌星君三台星君

進賢星君少衆星真君圓穹星宿真君上清

太微南朱文昌真人太上九氣文昌官仙官

建生星斗真君青城山九天丈人真君潛山

九天司命真君廬山九天採訪使者真君五

嶽聖帝四濟源王司祿主者職貢舉真君英

顯武烈忠祐廣濟王貢舉掌籍考校官屬道

德應感一切真靈巨開大道甚夷廣闢祈求

之路上天善應靡閉濟度之門有感必通無

幽不察故齋沐可以事帝而蘋蘩可以薦神

儻通精意之禋必遂降臨之願離官某確守

儒業願赴科名幸靈寶垂修奉之規仙籙著

關宣之式敬伸愚悃嚴建齋壇懺洗罪愆而

身器昭明俯降高真而心神飛越大則法天

象地小則酌水獻花諷玉笈之雲章誦寶函

之鳳篆今則一塵不動萬籟無驚依稀瓊佩

之搖髮鬋仙韶之奏煙凝檀篆器滌飽樽伏

願列聖垂憐衆真協應馳輪雲駕齊降於六

虛玉宇瓊樓森臨於九地詔群靈於咸集享

一意之精勤擁百祿於替紳錫湛恩於品彙

臣與離官等無任懇懇懇祝俯伏望幸之至

奉迎仙駕

降聖 獻茶 初進酒 奏樂

具位臣某等虔誠上啓

虛無三境至尊昊天玉皇上帝諸天諸地諸

水諸山三界十方證明列聖臣聞大道無爲

而無不爲上聖救物而無棄物道賴人而敷

暢德因人以宣揚是謂道不虛行德不孤立
 上而誘掖於群士下以化導於蒸人恢張抱
 一之風索篇至真之教醮官其風沾玄化衣
 被洪恩未造道微而稟固有之資未隆德業
 而抱良能之素值聖主開進賢之路有司舉
 較藝之章發兼濟之純衷起力行之大願爰
 資羽櫛仰叩高穹所念者道無不為所恃
 若聖聖無棄物陳情瀝懇注想凝熏庶集妙
 因早酬素志周天衆聖必昭鑒於丹誠大地
 靈神諒俯歆於清夜屬臣關奏敢不上聞設
 醮詞誠謹當宣奏

宣詞

諱詳詞語灼見至誠心畫上通即達高真之
 聽慈光下燭必臻所欲之從重念醮官某人
 生難逢歲華易過將強學以待問期得志而
 有行伏願道蔭昭垂天禧廣霑成祿歷生之
 罪咎俾諧盛世之科名得其主而遇其時行
 其義以達其道仰冀其億會上祖遠近先魂
 永離幽途陟九霄之仙品長垂密蔭傳百葉
 之榮光臣等無任恭虔酒行亞獻

九九

奏樂

臣聞大道玄妙運一氣以陶成至真自然散
 一神而發育氣則貫通於萬類神則鼓舞於
 群倫同出異名混而為一物稟之而無覺人
 賦之而有靈是知至貴之身可謂亂真之器
 予以敷其妙用于以守其重玄欲此功之克
 諧必壽年之有永醮官其受神氣於大道修
 事業以為儒苗而秀者然後足以猷行秀而
 實者然後可以成就伏願高真眷顧神聖照
 臨降真神以育其神流道氣而充其氣既錫
 之以聰慧必昇之而榮名既昇之以榮名必
 延之而遐壽庶效寸心之素克成兼濟之圖
 仰冀見在尊親災厄蠲消休祥駢集松栢難
 老玉液長存擁慶緒於將來垂清芬於後裔
 臣等無任虔懇戰越之至再拜酒陳終獻

奏樂

臣謹重誠上啓
 太上無極大道三境至尊昊天玉皇上帝十
 方大聖三十六部尊經玄中大法師靈寶衆
 真五帝三官圓穹玄象天曹一切靈仙洞天

嶽瀆聖衆司祿主者職貢舉真君掌籍考校
 官屬道德應感一切真靈臣聞無觀妙而有
 觀微靜徐清而動徐生蓋入乎有不失於無
 雖應乎動而弗離其靜此道用之所以運而
 德行之所以行矧先聖之垂彝貴篤學而入
 仕不廢君臣之義以隆道德之風醮官某欽
 奉真筮允稽聖訓汲汲於行已皇皇於得君
 端一心以待時應清朝之遴選伏願帝啓其
 智神誘其衷俾洞曉於玄根永敷揚於妙用
 貯虹蜺於宵次擣錦繡於筆端奮迅亨衢施
 行儒業上願

宣疏

皇帝享無疆之壽群賢成獨亮之功玉燭調
 而五穀豐海宇安而九夷服臣與醮官無任
 荷恩戴德傾虔屏營之至再拜獻湯
 具位臣某與合壇官衆等謹重誠上啓
 金闕虛元三清上帝昊天六御宸尊諸天
 尊諸天大帝靈寶衆真五帝三官圓穹玄象
 天曹一切靈仙洞天嶽瀆聖衆司祿主者職
 貢舉真君掌籍考校官屬道德應感一切真

靈臣聞聖演雲章敷開天之奧旨科遵玉笈設祈禱之靈壇品物聿陳馨羞備薦龍駕駐通霄之永椒漿上三獻之勤太常威神光臨於濁界百靈上宰洞照於心神臣與醮官某等前世今生未曾覺悟六根三業稔積愆尤或殺害有情或侵傷庶類違真背道故作謀為罪積上官名標黑簿或在七元曹局之內或在三官官府之中或係五嶽之司或屬四瀆之簿未蒙原赦及不懺除又恐七曜加臨五行刑剋支干數盡大小運窮三命衰微九宮滯塞呪詛為障家訟為災非託上真無由解謝今則特伸懺既成冀赦除上願

宗廟保安干戈永息民無疫癘之厄時無水旱之愆賢俊登庸盜賊消弭蠻夷率服和氣周流遐邇茂愁歎之聲動植遂自然之性三途離苦六趣超升長承至道之恩永奉高真之化今則禮周三獻詞不再陳懼儀矩之講張重凡愚之過然除虞肩瀆並願赦原仰冀上界高真旋歸瑤闕下方列聖仍返仙曹流先回盼於醮筵凡懇必諧於素願臣某與醮

官等無任攀戀知歸之至誠惶誠恐稽首頓首再拜奉送真聖

舉十二願

舉存神燒香

高功復爐

香官使者左右龍虎君侍香諸靈官當令臣向來設醮壇行道之所自然生金液丹碧芝英百靈眾真交會在此香火爐前當願十方仙童玉女接待蘭煙傳臣向來所啓之誠速達徑御

至真元極大道

三清上聖

昊天玉皇上帝

舉出堂頌

引至六幕堂

道門科範大全集卷之二十四

道門科範大全集卷之二十五

傍一

三洞經錄弟子仲勵修

祈嗣拜章大醮儀

啓壇行道法事如式

舉各禮師存念如法

宣衛靈呪

東方

九炁青天 明星大神 煥照東鄉 洞映九門 轉燭陽光 掃穢除氛 開明童子 號曰玄卿 備衛我軒 上對帝君 收魔束妖 搜捕兇群 奉承正道 赤書玉文 九天符命 攝龍驛傳 普天安鎮 我得飛仙 和與道合真

南方

三炁丹天 煥景流光 熒星轉燭 洞照太陽 上有赤精 合契虛皇 開明靈童 號曰華房 總統火兵 備守玉堂 斬邪束妖 剪截魔王 北帝所承 風火莫當 流鈴交煥 翊衛壇場 正道流行 敢有巴狂 我享上功 坐運魁綱 億劫長存 保天無疆 和與道合真

西方